





FACULTATIS JURIDICAE  
DECANVS,  
**HIERON. FRIDERICVS**  
**SCHORCH, JCTVS,**

SACRI PALATII CAESAREI COMES,  
MEMORATAE FACULTATIS ASSESSOR, ET  
IVRIS PVBLICI PROFESSOR ORDIN.  
NEC NON CIVITATIS  
CONSVL,

L. B. S.

---

ERFORDIAE  
Typis JOH. CHRISTOPHORI HERINGII,  
Acad. Typogr.



FACULTATIS IURIDICAE  
D E C A N V S  
HIBRON, FRIDERICVS  
SCHORCH, J C T V S  
SACRI PALATII CAESAREI COMES,  
MEMORATAE FACULTATIS ASSessor ET  
IURIS PVBLCI PROFESSOR ORDIN.  
NEC NON CIVITATIS  
CONSUL.

L. R. S.

---

FRORDIAR  
FRION CHRISTOPHORI HERINGII  
ALL. THEOP.





**R**em alienam invito domino pignori dari non posse, certissimum esse dicitur in *l. 6. C. si alien. res pignor.* Is quippe, in cuius bonis res non est, non habet facultatem, creditori ius reale in illa constituendi, *l. 54. D. de Reg. Iur.* & actio hypothecaria cum effectu moueri nequit, nisi creditor probet, rem in bonis debitoris eo tempore, quo pignus contrahebatur, fuisse, *l. 3. D. de pignor.* idque adeo verum est, vt creditor, quamprimum rescit, rem alienam sibi pignori suppositam, illico contra debitorem actione pigneratitia contraria experiri possit, vt res alia ipsi detur, *l. 9. pr. & l. 16. §. 1. D. de pignerat. act.* vtut debitor soluendo sit, *l. 32. D. eod.* cum nihil plane egisse censeatur, qui rem alienam pignori tradidit, *l. 2. D. eod.* Vnde dubitatum quondam fuit, num pignus, siue res in securitatem crediti creditori tradita, ab hoc iterum alii oppignerari valide queat? Etenim cum pignus in bonis debitoris permaneat, iuxta

*l. 9. C. de pignorat. act.* nihil etiam agi videtur, si creditor, in cuius dominio res oppignerata non est, eam infcio debitore, in cuius bonis est, alteri cuidam pignori dare praesumat. Sed nihilominus iam dudum placuit, etiam id, quod pignori obligatum est, à creditore pignori obstringi posse, *l. 1. C. si pignus pign. dat. l. 13. §. 2. D. de pignor. & hypoth.* Quamvis enim creditor rei sibi oppigneratae dominium non habeat, sed illud penes debitorem maneat: in illa tamen ex voluntate debitoris in securitatem crediti sui ius reale consecutus est, *l. 19. pr. D. de damn. infect.* quod sicut aliis cedere & vendere, ita etiam oppignerare potest, *l. 9. §. 1. D. de pign. & hyp.* quemadmodum etiam fructuarius proprietatem fundi non habet, & tamen usufructum, siue potius commoditatem usufructus recte pignori dat, *l. 11. §. 2. D. eod. l. 72. D. de Reg. Iur. NOODT. de Usufruct. L. 1. c. 3.* Accedit, quod creditor nomen sui debitoris alii oppignerare queat, eamque conventionem Praetor tueatur, *l. 18. pr. D. de pignorat. act. l. 4. C. quae res pignor. oblig.* & ita nihil impediat, quo minus & pignus in securitatem nominis constitutum Tertio rursus pignori obstringatur. Quoniam autem creditor pignus oppignerans ipsius rei dominium non habet, sequenti seu secundo creditori non directa actio hypothecaria, sed utilis datur, *l. 1. C. si pignus*

*pignus pignori.* & ibi BRUNNEMANN. n. 2. cumque ius  
creditoris oppignerantis per solutionem eius, quod ipsi  
debetur, tollatur, l. 6. pr. D. quib. mod. pign. vel hypo-  
thec. solv. vltro consequitur, quod tunc secundi quo-  
que creditoris ius expiret, utpote qui causam habet  
ab eo, cuius ius modo finitum est, l. 13. §. 2. D. de pi-  
gnor. & hypoth. l. 2. C. si pign. pignori. hinc ei nec pigno-  
ris persecutio amplius datur, nec retentio relinquatur,  
l. 40. §. 2. D. de pignorat. act. licet secundo creditori à  
primo plus debeatur. BRUNNEMANN. c. l. n. 11. Nisi  
forte secundus creditor debitori denuntiauerit ius sui  
pignoris, utque ipsi, non primo creditori, solueret. l. 4.  
C. quae res pignor. oblig. & ibi GOTHOFRED. lit. 1. PE-  
REZ. in Cod. Tit. si pign. pign. n. 4. Quousque vero de-  
bitor creditori suo nondum satisfecit & proin primi pi-  
gnoris causa durat, secundum etiam creditorem is, qui  
iura repraesentat, siue iudex tueri debet, ita, ut ius  
quoque rem oppigneratam distrahendi vendendique  
ab eo exerceri, & talis venditio, postquam semel fa-  
cta, à debitore, creditori primo pecuniam debitam of-  
ferendo, retractari aut rescindi non possit. l. 1. C. si pi-  
gnus pign. quanquam per solutionem antea factam ven-  
ditionem impedire, ac pignus liberare queat. Vbi  
quidem obseruandum, sufficere omnino, si debitor se-  
cundo creditori, pignus distracturo, tantundem offe-  
rat,

rat, quantum ipse primo debet, licet primus creditor secundo plus debeat; cum iniquum foret, si creditor primus, in maiorem summam pignus obligando, conditionem sui debitoris deteriolem facere posset. Quod & argumento *l. 4. C. que res pign. obl. vberius confirmat* BACHOV. *de pignor. l. 2. c. 9.* Sed haec latius persequi instituti ratio iam non patitur. Fusius de hac materia occasione *l. 1. C. si pignus pign.* quam in lectione, quam vocant, cursoria interpretari constituit, differet

NOBILIS ATQVE CLARISSIMVS IVRIVM  
CANDIDATVS

DN. EHRENFRIED REINBOTH.

Natus is est Anno MDCCXIV. d. 4. Septembr. in quodam ditionis Schwarzburgicae oppidulo, quod vernacula audit Stadt-Ilm, Patre JO. EHRENFRIED REINBOTH, Medicinae Doctore & Practico. Pertractatis domi, vti & in Lyceo Arnstadiensi humanioribus literis, Ienam se contulit, vbi vna cum Iurisprudentiae studio Philosophiae & disciplinis Mathematicis addiscendis operam nauavit, praeceptoribus vsus & quidem in Philosophia B. KOEHLERO & viro praenobili CARPOVIO: in Mathefi Celeb. HAMBERGERO: in Iurispudentia B. BRVNQVELLO, BECKIO & Cel. KEMMERICHIO. Cursu Academico absoluto, vocatus in



in Semigalliam ( quae Ducatus Curlandiae prouincia  
est) in domo admodum illustri & opum gloriâ floren-  
tissima, Dni scil. de BEHR, studiorum & morum mo-  
deratorem egit, donec Petroburgum ad aulam D.  
ANNAE, Imperatricis Russorum, perduceretur, vbi  
posthaec infortunato Duci Curlandiae, ERNESTO, Co-  
miti de BIRON, à secretioribus epistolis fuit: in qua  
functione stetit vsque ad magnam illam rerum com-  
mutationem, qua praefatus Dux, de regiminis & di-  
gnitatum fastigio deiectus, exul in Siberiae deserta  
missus est. Hac subitâ & terribili status conuersione  
perculsus quidem, non tamen prostratus, posteaquam  
ex turbidis tempestatis nubibus serena redire coeperat  
tranquillitas, diutius in istis terris commorari consul-  
tum non ducens, in Curlandiam reuersus, cum Nobî-  
li quodam huius regionis per Germaniam, Galliam  
& Belgium peregrinationibus feliciter factis, quietem  
& sedem Lipsiae inuenit. Denique ad supremos in  
Iure honores adspirans, huc Erfordiam se contulit, &  
ab Ordine nostro, vt ad consueta specimina Inaugura-  
lia admitteretur, petiit. Itaque non solum binos ex  
vtroque Iure textus cum eo communicauimus, verum  
etiam diem Examini Rigoroso praestituimus, in quo ta-  
lem se praestitit, textusque transmissos ita enucleauit,  
vt omnium suffragia meruerit, dignusque omnino  
iudi-

judicatus fuerit, qui petitis honoribus condecoretur.  
Quamobrem proximo die Mercurii, d. II. Iun. con-  
suetam lectionem ad *l. i. C. si pignus pignor.* eaque fini-  
ta Dissertationem Inauguralem

DE EO QVOD IYSTVM EST

CIRCA

DIGNITATES IMPERII  
CONFERENDAS,

sine Praefide habeat. Quibus actibus solemnibus vt  
Magnificus Vniuersitatis Rector cum Academiae Pro-  
ceribus ac Ciuibus beneuole interesse velint, ea qua  
debet, obseruantia & humanitate rogantur & inuitan-  
tur. Publ. sub Sigillo Facult. Iurid. d. XXX. Mai.  
A. O. R. MDCCXLV.



+

94 A 7372

ULB Halle

001 681 94X

3





FACVLTATIS IVRIDICAE  
DECANVS,  
HIERON. FRIDERICVS  
SCHORCH, JCVTS,

SACRI PALATII CAESAREI COMES,  
MEMORATAE FACVLTATIS ASSESSOR, ET  
IVRIS PVBLICI PROFESSOR ORDIN.  
NEC NON CIVITATIS  
CONSVL,

L. B. S.

---

ERFORDIAE  
Typis JOH. CHRISTOPHORI HERINGII,  
Acad. Typogr.

